

CAft riba reduccion di impuesto

Decision di gabinete demisionario Wever Croes ta uno “ilegal”

MIENTRAS cu aki na Aruba AVP y Futuro ta sigui hinca nan coalicion den otro, CAft ta denuncia otro maniobra di e gobierno demisionario di Prome Minister Evelyn Wever Croes cu no tin base legal. E carta di CAft ta muestra cu e decision di gobierno demisionario pa reduccion di impuesto cu a wordo anuncia recientemente, ta un decision ilegal ya cu e reduccion aki no ta forma parti di e concepto di presupuesto 2025 cu ta na Parlamento ainda pa wordo trata.

Den forma bon cla CAft ta muestra cu e decision aki lo bay costa e pais un suma adicional di 50 milyon florin. E comision di supervision ta muestra di ta lamenta cu a pesar di a muestra gobierno demisionario di nan preocupacion cu ya tin dos luna a pasa sin cu e presupuesto 2025 a wordo trata den Parlamento segun reglanan existente, ainda no tin indicacion cu tratamiento di e presupuesto aki lo tuma luga dentro di algun dia.

CAft ta muestra cu segun e “*Landsverordening Aruba financieel toezicht*” esta LAft cu gabinete Wever Croes II a presenta y a wordo aproba pa Parlamento di Aruba, presupuesto 2025 mester a wordo trata den Parlamento pa mas tarda dia 15 di

December 2024, loke no a tuma luga. N'e momentonan aki no tin indicacion ki dia e presupuesto aki lo ser trata den Parlamento loke lo afecta posicion di gobierno pa atende obligacionnan financiero pa motibo cu no tin presupuesto aproba pa atende cu esaki.

Pues tin un escenario politico sumamente interesante pero na mes momento sumamente preocupante ya cu e lo por afecta henter maneho financiero y economico di e gobierno nobo cu lo asumi responsabilidad dentro di algun dia.

Te na ora cu partidonan AVP y Futuro no asumi responsabilidad di gobernacion di e pais, nan ta permiti lider di MEP y su coleganan minister demisionario, sigui pone obstaculo pa funcionamiento mas efectivo di e proximo gobierno.

E ta bisto tur caminda ya cu durante di e lider di MEP su bishita dos siman pasa na Hulanda, tambe a señala aya na Hulanda, riba maniobranan politico cu e actual prome minister demisionario ta haciendo den su ultimo diano na poder.

Ya caba e situacion aki a yega di presenta na 2017 ora cu a pone tanto presupuesto di gabinete Mike Eman II pa 2018 un banda, a pesar cu esaki tabatin un surplus di 1%, considerando esaki como un presupuesto irrealistico.

Awor bayendo pa oposicion, partido MEP ta optando pa crea mas tanto obstaculonnan necesario cu despues nan mes lo por uza como material pa cuestiona e critica e proximo gobierno di coalicion.

Mientras cu AVP y Futuro ta sigui reuni cu gremio y otro gruponan den comunidad, gobernacion di e pais ta sigui den man di principalmente partido MEP ya cu actividadnan di Ursell Arends como vice Prome Minister demisionario, ta practicamente no existente.

Geoffrey Wever ta minister demisionario ainda pero e ta atende solamente asuntonan cu ta regarda su partido nobo cu ta Futuro caminda ya caba ta conoci cu e lo asumi responsabilidad di ministerionan pa asuntonan economico y finansa.



Join our team! 🔍

Sales Account Manager Aruba

In this role, you'll develop, maintain, and grow relationships with new and existing clients, identify sales opportunities (including cross-selling & upselling), and provide top-tier support. Your goal?

Build lasting relationships, achieve sales objectives, and most importantly help our clients get the coverage they deserve by creating an insurance portfolio that's best for them.

Are you ready to make an impact?

**Apply before
February 28th!**

Guardian Group
Fatum

live safe | live easy


Apply Now!
qrco.de/SalesAccMngrAuA

myguardiangroup.com